

1930 йил
12 МАЙДАН
ЧИҚА
БОШЛАГАН



Таштас

Ўзбекистон Республикаси ИИБ НАШРИ

Ўзбекистон Республикаси ИИБ
Ўзбекистон Республикаси ИИБ

Қонунийлик ва ҳуқуқ-тартибот учун!

№ 25 — 26

(2666 — 2667)

1994 йил

8 АПРЕЛЬ

ЖУМА

СОТУВДА ЭРКИН
НАРХДА

Бўғи-бўғи
СОНИДА

Кўш саҳифа:
**ТОШКЕНТ
ВИЛОЯТИ**

Абдуваҳид ИСМОИЛОВ
**ВИЖДОН
АЗОБИ**
ҚИССА

**ЗАНГОРИ
ЭКРАНИДА**

ҲАМЖИҲАТЛИК БЎЛСИН

ЧЕЛАК тумани ички ишлар бўлимига Катта турк жамоа хўжалигида ҳар хил майда қонунбузарликлар содир бўлаётганлиги ҳақида маълумот тушди. Ички ишлар бўлими бошлиғи хузурида қисқа тезкор йиғилиш бўлиб, милиция майори Раҳматов бошчилигида тузилган гуруҳ олинган маълумотларга кўра Катта турк жамоа хўжалигининг Турки боло қишлоғида яшовчи Маъруф Ҳороқов хонадонига қараб йўл олди. Бу хонадонда ҳар кун киморбозлар йиғилишар экан.

Хонадонга кириб борганимизда уй ичи тамаки ҳидидан чидаб бўлмас даражада айниган, ўртада қиморга тикилган пуллар (санаб кўрилганда 160.000 сўм) сочилиб ётар, бор-йўғини қиморга тиккан йигитлар бир-бирлари билан баҳслашардилар. Хонадон эгасининг ўз уйини қиморхонага айлантириб олганлиги шундоққина сезилиб турарди. Қиморбоз йигитлар орасидаги туман маданият уйининг таниқли қўшиқчиларидан бўлган Ш. Рашидов ўтирган жойдан — кўрпача остидан қорозга ўралган гиёҳвандлик моддаси — наша топилди. Дастлаб у “бу менки эмас”, деб қайсарлик қилди. Холислар иштирокида унинг ён чўнтаги кўздан кечирилганда наша уруғи ва барглари билан майда қолдиқлари далилий ашё сифатида олинди.

Сог-саломат, торни урса талқон қилишга қодир бу йигитлар шахсияти ўқувчини қизиқтирмай қолмайди, албатта. Булардан Ё. Узоқов, И. Турсуноқов, К. Усмонов, С. Қорабоевлар ҳеч қаерда ишлашмайди. Улар орасида, хўжаликнинг спорт инструктори Х. Муродов ва хўжаликка фақат номигагина аъзо бўлиб олган — Х. Донабоевлар бор эди.

Бир-бирларининг чўнтагидан пулларини югиш умидида улар тоғ отгунча ўтиришлари аниқ. Ана шунда уларнинг қиморга тиккан пулларини таллашиб, бир-бирлари билан ёқалашмасликларига ким кафолат бера олади?

Албатта, эслатиб ўтилган жойда ва туманининг барча ҳудудларида бундай ҳолатларга барҳам бериш учун ички ишлар идоралари ходимлари томонидан барча зарур чоралар кўрилмақда. Аммо жойларда турли-туман қонунбузарликларнинг олдини олишда “бу милициянинг вазифасига қаради” деб фикр юритувчилар ҳам бор. Аслида маҳаллалар, хўжаликлар раҳбарлари, кенг жамоатчилик ички ишлар идоралари билан ҳамжиҳатликда иш олиб борсалар нур устига аъло нур бўлган бўлур эди.

З. РҶЗИЕВ,
милиция катта лейтенанти.

Оҳангарон туманидаги Дўстлик қишлоқ йиғини ҳудудида милициянинг кўрғон бўлини масисини ташкил этиш лозимлиги хусусида анчадан бери гапириб келинарди. Туман ИИБ раҳбарияти турли вариантларни чамалаб кўриб, йирик хўжаликларнинг фикри билан кизиқиб кўрди.

Бунга тушуниш мумкин, бундай ишни пала-партишлик билан ҳал қилиб бўлмайди. Етти ўлчаб бир кесиш лозим бўлади.

Милициянинг кўрғон бўлини масисини ташкил этишни эса ҳаётнинг ўзи тақозо этмоқда эди. Бу ердаги икки участка вакили йил давомида 40 дан ортиқ жиноят билан тўқнаш келар, уларнинг ярмини оғир жиноятлар ташкил этарди.

Кўрғон бўлини масисини тезроқ ташкил этиш ҳамма нарсани жой-жойига қўйиши, жиноятчиликка қарши курашда бурилиш ясаши керак эди, лекин маблағ йўқлиги ва бўлини жойлашадиган иморатнинг таъмир

этилиши кераклиги узил-кесил қарор қабул қилишга ҳалақит бериб турарди.

Шунда туман ҳокими У. Иброҳимов ва туман ИИБ бошлиғи Э. Эркаевнинг ташаббуси билан Дўстлик қишлоқ йиғини ҳудудида жойлашган хўжаликлар директорларининг кенгаши чақирилди.

Йиғилган раҳбарлар орасида “Дўстлик”, “Шодмонлик”, “Бирлик”, “Галлақудуқ”, “Янги ҳаёт” давлат хўжаликларининг директорлари И. Отажонов, К. Қосимов, А. Каримов, Г. Гриценко, М. Сержонов ва бошқалар бор эди.

Кўрғон бўлини масисини ташкил этиш сабабларини тинглаб ва ўзаро маслаҳатлашиб олиб, директорлар туман ИИБнинг ташаббусини ўз вақтида қилинган таклиф деб ҳисобладилар ва шу ернинг ўзида бўлинининг фаолияти учун 14 миллион сўм-купон ажратиларини билдирдилар.

Бўлинининг қаерда жойлашиши ҳам баҳсга сабаб бўлмади, бир оғиздан у “Дўстлик” совхозини ҳудудида бўлини керак деган хулосага келинди, зеро, айни бу хўжалик ўзига хос марказ ролини ўйнаб келмоқда.

Кенгашда “Дўстлик” совхозини кўрғон бўлини масисини учун ўз марказидан

шинам коттеж ажратиши, бундан ташқари, уни таъмирлаш ва мебель билан жиҳозлаш учун “Бирлик” совхозини билан ҳамкорликда 7 миллион сўм-купон бериши, бунинг учун Оҳангарон қурилиш трести билан шартнома тузилиши маълум қилинди.

Кўрғон бўлини масисини жойлашадиган бино жуда қисқа муддат ичида сифатли қилиб таъмирланди. Энди уни ходимлар билан бутлаш ва ишга киришиш лозим эди.

Кўрғон бўлини масисига бошлиқ этиб тайинланган милиция майори Қ. Рисалиевнинг зиммасига ходимларни тайинлашдек катта масъулият юкланди. Участка вакиллари вазифасига у жуда ёш зобитларни таклиф этди. Ундан: “Бу ешларга ким ўргатади?” деб сўраганида, Қўлдабек шундай деб жавоб берди: “Албатта, ўзим ўргатаман. Бекорга салкам 10 йил участка вакили бўлиб ишламаганман”.

(Давоми 3-бетда).

КАБОБ-КУ ЯХШИ, ЛЕКИН...

ҲАЗОРАСП туманидаги “Шарқ юлдузи” жамоа хўжалигида ишловчи Бахтиёр Қаландаровнинг ўрдақ кабоб егиси келиб қолди. У эрталаб ишга бир зум кўринди-ю, ҳеч кимга сездирмасдан уйига “куён” бўлди. Отасининг ов милтигини олдида, “сафарга” отланди. Эндигина овини бошлаган Бахтиёрнинг омади келмади. Чунки участка вакили, милиция капитани Н. Отамуродов Бахтиёрнинг гайриқонуний равишда ов қилаётганини пайқаб қолди...

— Шу йилнинг бошларида

“Арсенал” тадбирини ўтказдик, — дейди Хоразм вилояти, Ҳазорасп тумани ички ишлар бўлимининг жамоат тартибини сақлаш бўлини масисини катта ноэри, милиция капитани Қ. Сапов. — Унда ов қуролларининг қандай сақланаётганлиги, милтиқлардан қай тарзда фойдаланилаётганлиги пухта текшириб чиқилди. Рейдлар ўтказилди. Тадбир давомида қонунбузарлик қилаётган 15 нафар киши ушланди. Улардан беш нафари ов қуролларини ҳеч қандай ҳужжатсиз

гайриқонуний равишда сақлаётганлиги аниқланди.

Тадбир давомида тумандаги “Хоразм” жамоа хўжалигидан Раҳимбой Боқиев, Қосим Саъдуллаев, “Шарқ юлдузи” жамоа хўжалигидан Ашир Очилов, Мадамин Хўжаевлар ов милтигидан гайриқонуний равишда фойдаланилаётганлиги туфайли қуроллар мусодара қилинди. Шўртақкина кабобни кўнгли тусаб юрган қонунбузар “овчи”лар эса қилмишларига яраша жарима тўлайдиган бўлишди.

Х. ЖАББОРОВ,
“Постда” муҳбири.

ВАЗИФАЛАР БЕЛГИЛАНДИ

ЯҚИНДА Сурхондарё вилояти ички ишлар бошқармасида ВЕИН ходимлари ва милиция участка вакиллари йиғилиши бўлиб ўтди. Унда иш якунлари чуқур таҳлил этилиб, вазифалар белгилаб олинди.

Эндиликда жиноятчиликнинг олдини олиш бўлими томонидан ҳар бир ходимга чорак якуни бўйича иш натижаларига қараб баҳо қўйиб бориладиган бўлди. Бу эса ўз навбатида ҳар бир ходимда ўз вазифасига чуқур масъулият ва шахсий жавобгарлик хиссини тугдириши шубҳасиз. Шунингдек, ҳар қанақа кўр-кўрона сохта баҳолашдан уларни халос этади ҳамда ҳар бир ходимга маълум фурсат ичида баҳо беришда, уни тақдирлаш ёки жазолашда ушбу синов етарли асос бўла олади.

Жиноятчини жазолашдан кўра жиноятнинг олдини олиш милиция ходимлари олдида турган муҳим масалалардан ҳисобланади. Бўлиб ўтган ушбу йиғилишда ички ишлар ходимларининг кенг жамоатчилик кучига суяниши зарурлиги ва бу кўзланган натижани бериши шубҳасиз эканлиги ҳам алоҳида таъкидланди.

Ҳозирги кунда жойларда ички ишлар ходимларининг талабалар, зиеллар, меҳнат жамоалари, маҳалла вакиллари, ота-оналар билан учрашувлар ўтказишларига кенг эътибор берилмоқда.

Сафар АБДУВОҲИДОВ,
Сурхондарё вилояти ИИБ
маتبот гуруҳи ходими.



БУХОРО вилояти, ички ишлар бошқармаси эксперт-криминалистика бўлими катта эксперт-кимёгари Исмоил Эгамбердиев жиноятчиликка қарши кураш ишига ўзининг катта ҳиссасини қўшиб келмоқда. Бўлимининг бошқа ходимлари каби у ҳам ўз вақтини аямай, сидқидилдан ишламоқда. Ўтган йилнинг ўзида у 930 та экспертиза

текширишларини амалга оширди, тергов-тезкор гуруҳлари билан жиноят содир этилган жойларга чиқди.

СУРАТДА: Бухоро вилояти ИИБ ЭКБ катта эксперт- кимёгари, милиция майори Исмоил Эгамбердиев кимёвий экспертиза ўтказмоқда.

Е. ЗУЕВ олган сурат.

Қўш саҳифа:

ТОШКЕНТИ ВИЛОЯТИ

ҲАРОМДАН ҲАЗАР ҚИЛИНГ

Инсонийликка хос покликда ва адолатда яшаш учун маст қилувчи ичимликлар ичиш, гиёҳвандлик моддаларини истеъмол қилиш ва ноҳақ одам ўлдириш муқаддас ҳадисларда ҳаром ишлар ҳисобланган.

• Яқинда Олмалик гишт заводи олдида милиция ходимлари томонидан Георгий Кудухашвилига тегишли автомашина тўхтатилди. Автоулов салони текширилганда, ўриндик тагидан 1 кило 200 грамм микдорда гиёҳвандлик моддалари топилди.

Аввал судланган Кудухашвилининг уйдан ҳам тинтув чоғида 437 грамм гиёҳвандлик моддалари топилди. Суд-кимёвий текширув хулосасига кўра, бу гиёҳвандлик моддалари марихуана ва наша эканлиги тасдиқланди.

• Маст-аласт юриш, қимор ўйинининг кейинчалик ёмон оқибатларга олиб келишини оққўргонлик Зоҳид Мадаминов ва Неъмат Бобоқуловларнинг қилмиши яна бир бор кўрсатди.

Қиморда ютқазган Бобоқулов Мадаминов билан жанжаллашиб, оғир шикастланган ҳолда касалхонада вафот этди.

Энди Мадаминов суд олдида жавоб беради.

• Ароқ ичдинг, маст бўлдинг, аҳмоқ билан дўст бўлдинг, деганларидек, янгийўллик мукаддам судланган, 24 ёшли Ҳусан Охунов ва 1956 йилда туғилган Бемалик Биаловлар "Янгийўл" давлат хўжалиги 1-бўлимнинг гаражи олдида спиртли ичимлик ичдилар. Сўнг улар ўртасида жанжал чикди. Афсуски, Ҳ. Охуновнинг аввал камалиб чиққани етмагандай, у яна жиноятга қўл урди. У Бемалик Биаловнинг 40 жойига пичоқ санчиб, жиноят изини яширишга беҳуда уринди.

Тошкент вилоят суди томонидан Охунов қасддан одам ўлдиришда айбдор деб топилди ва унга олий жазо белгиланди.

Вилоят ИИБ матбуот гуруҳи.

ҚИЛМИШ-ҚИДИРМИШ

1993 йилнинг 28 июнь куни соат 16.30 да Оҳангарон туманининг Алишер Навоий номли жамоа хўжалиги ҳудудидан оқиб ўтадиган каналдан номаълум шахс мурдаси топилди. Кимсанинг шахсини ва ким томонидан ўлдирилганлигини аниқлаш учун туман ИИБ бошлиғи, милиция подполковниги Э. Эркаев раҳбарлигида тезкор гуруҳ тузилди. Утказилган чора-тадбирлар натижасида номаълум мурданинг шахси аниқланди. У Камолитдин Шарипбоев бўлиб, 1968 йилда Наманган вилоятида туғилган.

Гумон тариқасида Наманган вилояти фуқаролари — 1976 йилда туғилган Эркин Тошбоев, Одилжон Иброҳимов ва 1974 йилда туғилган Ҳабибжон Абдуназаровлар ушланган. Тергов давомида маълум бўлишича, К. Шарипбоев, Э. Тошбоев, Ҳ. Абдуназаров ва О. Иброҳимовлар Оҳангарон шаҳрига пул ишлаш мақсадида келиб, хонадонлардан

бирини ижарага олишади ва новвойчилик қилишади.

27 июнь куни К. Шарипбоев, Э. Тошбоев ва Ҳ. Абдуназаровлар тўйга бориб ичадилар ва маст ҳолда жанжаллашиб қоладилар. Шу кеча тахминан соат 01.00 ларда Оҳангарон шаҳар Янгиобод кўчасининг чап томонидаги тўтзор ёнида Э. Тошбоев ва Ҳ. Абдуназаровлар ўзаро тил бириктириб, К. Шарипбоевнинг қорнига бир неча марта пичоқ урадилар ва бу ҳам камдек, бўйиндан бўғизлаб қасддан одам ўлдириш жиноятини содир этадилар. Жиноят изини яшириш мақсадида мурдани ўша атрофдаги каналга ташлаб, оқизиб юборишган.

Қилмиш-қидирмиш деганларидек, суд ҳукмига биноан Э. Тошбоевга 12 йил, Ҳ. Абдуназаровга 13 йил қamoқ жазоси берилди.

Ўз мухбиримиз.

Жиноят ва жазо

КЎЗА КУНДА ЭМАС, КУНИДА СИНАДИ

Республикада жиноятчиликка қарши курашда Тошкент вилояти ички ишлар ходимлари ҳам фаол қатнашмоқдалар. Режа асосида олиб борилаётган ишлар ўз самарасини бераётир.

Чирчиқ шаҳри фуқаролари Баҳодир Пўлатов ва Вячеслав Когайлар ўзаро келишган ҳолда 1993 йилнинг сентябрь ойида Кривошеин ва унинг оида аъзоларини кўрқитиб, 2 миллион Россия рубли, октябрь ойида эса, 1 минг 200 АҚШ доллари ва 2 миллион Россия рублини тортиб олишган. 25 декабрь куни улар такроран жабрланувчини кўрқитиб 660 АҚШ доллари ва ота номида турган дала ҳовли, давлат белгиси 26-15 ТШТ рақамли М-412 русумли автомашина калити ва ҳужжатларини қўлга

киритишган. Улар тортиб олинган машинага харидор топиб, уни 3 миллион сўм-купонга пуллашади.

Шу йил 21 январь куни текин томоқ В. Когай ва Б. Пўлатовлар эски касаллари кўзгаб жабрланувчининг уйига яна кириб, 1 миллион сўм-купон олаётган вақтларида милиция ходимлари томонидан қўлга олиндилар. Чунки, сабр косаси тўлган жабрдийдалар товламачиларнинг яна қайтишини билганлар ва милиция ходимларига ёрдам сўраб мурожаат қилинган.

Кўза кунда эмас, кунда синади, деганларидек товламачилар тумшукларидан қопқонга илинишди. Энди улар одил суд олдида жавоб берадилар.

Р. ТУРҒУНОВ,
Вилоят ИИБ нозир.

• Аввал иқтисод...

ЖОНКУЯРЛАР

МЕН яқинда маърифат дарсларидан бирида ходимлардан ўз устозлари ҳақида фикр айтилган мақолалардан биришларини сўрадим, чунки ички ишлар идоралари ходимлари, айниқса раҳбарлар ҳақида фақат уларнинг ҳаммасларини, қўл остида хизмат қилаётган ходимларигина одилона баҳо бера оладилар-да.

Мана менга келган акс-садолардан намуналар: Тошкент вилояти ички ишлар бошқармаси бош ҳисобчиси, ички хизмат майори Йўлдош Мирзаев ўзининг ижодкор эмаслигини айтиб, дилдан битилган мисраларни берди.

Шу боис мен уларни тўлиғи билан ўқувчига етказишни вазифам деб билдим.

"Инсон ҳаёт экан, ҳамма қийинчиликларга бардош бераркан, ҳаётда халқимга яхши хизмат қилсам, одамларнинг руҳларини шод этсам, вақтларини иложи борича тежасам, дер экан.

Бу сўзларни айтишимиздан мақсад, мана, бу йил ҳамма учун озгина бўлса ҳам, иш жараёнида оғир келди. Шу масалада молля-режа бўлимини мисол қилиб олмоқчиман. Йилнинг

бошиданоқ деярли ҳар ойда маошларнинг ошиши ҳамма ходимларга катта қувонч бағишлаб турди, хизматларига, эгаллаб турган лавозимларига масъулиятини сезиларли оширди. Ҳукуматимиз, айниқса, ҳурматли юртбошимиз Ислам Каримовнинг осойишталик посбонларининг ижтимоий аҳволини яхшилаш мақсадида қилаётган оталарча гамхўрлиги, бу хизматнинг жамият учун нақадар зарурий звено эканлигини тўғри, тўла тушунганлиги яққой сезилиб турди.

Маошларимизнинг оширилиши жуда қувонарли ҳол, албатта, лекин вилоят ички ишлар бошқармаси молля-режа бўлими ходимларига алоҳида ва ниҳоятда катта масъулият юклади, сабр-бардошли бўлиб ишлашни, бутун билдимимизни ишга жалб қилишни, шахсий вақтни аямай ушбу мақсад учун сарф этишни талаб қилди. Мана шундай вақтда бўлим жамоаси йил давомида ўзгармасдан ишлаганлиги уларни мураббийлари сабр-тоқатга ўргатганлигидан далолатдир.

Айтмоқчи бўлган сўзларимнинг маъноси шундан иборатки, молля-

режа бўлимининг бошлиғи, ички хизмат полковниги Шароф ака Мазлиддинов бошлиқ бўлиш билан бирга доимо халқпарвар, дилкаш, кўнгли очик, ўзини одамлар ўрнига қўйиб кўрадиган инсон сифатида танилди. У доимо бўлим ходимларининг турмушларидан, хизматга қандай кайфиятда кириб келишидан хабардор, керак бўлганда ака-укадек, ака-сингилдек суҳбатлашади.

Тўғри, дунёда хатосиз инсон йўқ, лекин хатолар ва камчиликларни ўз вақтида маслаҳат бериб тузатиб туриш, кези келганда ёрдамлашини ҳар бир инсон қила олмаса керак. Биз қойил қоладиган хислат шу инсонда борки, бир оғиз сўз билан таърифлаш қийин, қандай савол билан мурожаат этсангиз, доимо қониқарли жавоб оласиз. Бу ажойиб хислат — бизнинг раҳбарда мужассамлашгандир. Баъзи пайтларда ходимларимизнинг тўй ё маъракаларида ёнма-ён тик турадиган инсон у! Ваҳоланки, инсоннинг қадр-қимматини қадрлаш олижаноблик эмасми!

Айтмоқчи бўлган сўзим шундан иборатки, Тошкент вилояти ички

ишлар идоралари ходимларининг хизмат вазифаларини ўз вақтида адо этишида молля ходимларининг хизматлари бекиёс. Бу ҳақда рўзномаларда ёзилмаса ҳам, ҳар ойда маошларини ўз муддатда олишда, уларнинг тинмай ошиб боришини ҳисоб-китоб қилишда бу касб эгаларининг тутган ўрни каттадир. Ҳисоб-китоб бўлинмасининг раҳбари Моҳира Салменованинг ўз жамоаси билан кўрсатаётган иши бекиёсдир. Бу қизларнинг ойма-ой кечиктирмасдан маошларини маромда ҳисоблаб беришларининг ўзи катта муқофотга лойиқдир, чунки бирор марта ходимлар маошларини кечикиб олганларини эслашмайди. Шунинг учун ҳам Назира опа Раҳмонова, Валентина Соловьева, Валентина Федорец, Клара Солодовникова, Евдокия Шеглова каби устозлар ўрни алоҳида ва эъзозда.

Айниқса, тафтиш бўлинмаси ходимларининг масъулиятли ишларини олиб боришда молля бўлими бошлиғи ўринбосари, ички хизмат подполковниги Суннатилла Соатов бош-қрош, унга ички хизмат майори Оловиддин Хорунов, ички хизмат капитани Тойир Эрматовлар тиниб-тинчимас, билимли ёрдамчилардир.

Қўйинг-чи, ҳамма ходимлар фидокорона меҳнат қилмоқдалар. Нафақа бўлинимаси ходимлари сай-ҳаракатлари туфайли нафақадорларнинг ҳаммаси ҳам ўз вақтида таъминландилар, чунки доимо ўзгариб турган ҳисоб-китобни бу бўлин ходимлари маромда бажариб қўйдилар.

Қани ҳамма ҳам улардай одамларга жонкуяр бўлишса!

Озод Ватан фарзандларимиз, энди у бизники, унинг келажаги ҳам бизники, унинг қандай бўлишига ҳар биримиз жавобгармиз".

Бу гапларни Ички ишлар вазирлигининг 1994 йил 14 январдаги "Касб одобномаси"га монанд кўриб жамлаб юборишга қарор қилдим.

Миркарим МИРСОВУРОВ,
Вилоят ички ишлар бошқармаси шахсий таркибни ижтимоий ва ҳуқуқий ҳимоялаш бўлими бошлиғи, милиция подполковниги.

Суратда: вилоят ИИБ молля-режа бўлими бошлиғи, ички хизмат полковниги Ш. Мазлиддинов (ўртада), бош ҳисобчи, ички хизмат майори Й. Мирзаев (чапда) ва бошлиқ муовини, ички хизмат подполковниги С. Соатовлар. Суратни Н. РАЙМУҚУЛОВ олган.



(Давоми. Боши 1-бетда).

Кўргон бўлиминининг бошлиғи ўз ваъдасининг устидан чиқди ва ўтган йилнинг охиридан бошлаб бўлинма тўла қувват билан фаолият кўрсата бошлади.

Бошлиқ ўз ходимлари билан шинам кабинетларда ўтиришни ёқтирмайди. У вазият билан шахсан танишиш учун хўжаликларни айланади.

Майор Рисалиев ходимлардан уларнинг асосий иши аҳоли ўртасида олиб борилишини талаб қилади. Барча воқеаларнинг марказида бўлибгина вазиятга фаол таъсир кўрсатиш мумкин.

Милициянинг кўргон бўлими бежиз фаолият кўрсатмаётганини кишилар тушуниши учун самарали тезкор тадбир ўтказиш зарурлигини ҳам у тушунарди.

Қўлдабек хўжаликлардан омихта ем ўғирловчи шахсларнинг фаолиятига барҳам бериш зарурлиги тўғрисида кўндан бери ўйлаб келарди.

Бўлинма ходимлари пухта тайергарлик қўриб ўтказган тадбир натижасида мунтазам ўғирлик қилиш билан шугулланиб келган гурух фош этилди.

Рисалиев ўзига хос изчиллик билан ходимлардан ҳуқуқбузарликларнинг олдини олишга катта эътибор беришни талаб этади ва ўзи амалда буни қандай бажариш кераклигини кўрсатиб беради.

Мурод И. қишлоқда жанжалқошлиги билан ном чиқарган эди. хушёрлик пайтида мулоқим бўлган Мурод ичиб олиши билан дарҳол ўзгариб кетар, оиласини қон қакшатар, ҳеч кимнинг насиҳатига қулоқ солмас эди.

Участка вакиллари унга таъсир кўрсатишга уриниб кўрдилар. Мурод ваъда беради, лекин ичди дегунча яна айнирди.

Муроднинг хотини эридан ажрашга қатъий аҳд қилди. Оиланинг бузилиши мумкинлиги ва эрининг аҳоли Рисалиевни қатъият билан иш тутишга мажбур қилди. У Муродни ўз хизматхонасига қақиртирди, лекин дарров қабул қилмай, ўз турмуши ҳақида ўйлаб кўриши учун қабулхонада ўтиришга мажбур этди.

Улар ўртасида самимий суҳбат бўлди. Бўлинма бошлиғи Муродга ҳақиқий эркаклар ароқдан бир рюмкани отиб олиб, аёллар билан жанжаллашмаслиги ҳақида гапирди.

Мурод анчадан бери бу қадар уялмаган эди. У тузалиш ҳақида

ваъда бериб, Рисалиевнинг кабинетидан ўқдек отилиб чиқди: Мурод шундан сўнг оилада жанжал қилмайдиган бўлди.

Милициянинг кўргон бўлими ташкил этилгач, муқаддам судланганлар билан режа асосида ишлаб бошланди. Рисалиев ўз шахсий тажрибасидан яхши билардики, бундай шахсларга улар озодликка чиққан заҳоти ердан берилиши лозим. Бу пайтда улар бамисоли икки йўлнинг ўртасида туришади: ердан қўлини чўзсанг, кишини ҳаётга қайтарсан, акси бўлса, у такрор жиноят қилиши аниқ.

Беш йиллик жазо муддатини ўтаган Марат Х. ўз қишлоғига қайтиб келди. Босқинчилик учун судланган Маратнинг тузалишига ҳеч ким, ҳатто унинг яқинлари ҳам ишонмаган эдилар. Очиғини айтганда, унинг ўзи ҳам қандай қилиб қонун асосида, унга зид ҳаракат содир этмасдан яшаш мумкинлигини билмас эди.

Участка вакиллари уни ҳисобга қўйгунча кўргон бўлиминининг бошлиғи Марат яна наша чека бошлаганили ва унинг таъсири остида жиноят қилиши мумкинлиги ҳақида эшитиб қолди.

Қўлдабек участка вакиллари тўплаб, уларнинг бамайлихотир бўлишлари қулфатга сабаб бўлиши мумкинлиги хусусида гапирди. Маратни ишга жойлаб қўйишни топширди. Бир неча кундан сўнг Маратнинг ўзи бошлиқ хузурига келиб, ишга жойлаштириб қўйганлари учун бўлинма ходимларига миннатдорчилик билдирди.

Кўргон бўлими ходимлари учун муқаддам судланган киши ҳисобот бериладиган мавҳум рақам эмас, балки ўз қулфатлари ва ҳал қилинмаган муаммолари бўлган кишидир. Унга ердан бериш — кўргон бўлими ходимларининг бурчидир.

Бундай кишилар билан ишлаш ўз ижобий натижаларини бермоқда. Бўлинма хизмат кўрсатаётган ҳудудда ўтган муддат давомида такрорий жиноятлар миқдори камайди.

Милициянинг кўргон бўлими фаолият кўрсатаётганига ярим йилдан ошди. Унинг фаолияти кишилар учун қувонч келтиради деб ишонамиз. Бундай ўйлаш учун ҳамма асослар бор.

Ш. АҲМЕДОВ,
милиция подполковниги.

ОСОЙИШТАЛИК ПОСБОНЛАРИ

ҚҲИИ ЧИРЧИҚ тумани ички ишлар бўлимида ҳам юрт тинчлиги, эл осойишталигини таъминлашда қатор амалий тадбирлар олиб борилмоқда. Бўлим ходимлари жиноятчиликка қарши кураш, унинг олдини олиш борасида ўз имконият даражаларидан тўлиқ фойдаланган ҳолда фаолият кўрсатаётилар.

Суратларда: бўлим навбатчи қисмининг катта нозир-навбатчиси Ўлмас Усербоев ва навбатчи ёрдамчиси, милиция старшинаси Маҳмуджон Алиевлар ҳозиргина олинган хабар юзасидан тадбир қўлламоқдалар (ўнгдаги сурат); туман ИИБ паспорт бўлими бошлиғи, милиция катта лейтенанти Турсун Валиев ва участка вакили, милиция майори Икром Абдуллаевлар ўзаро мулоқотда.

Ҳ. ШОДИЕВ олган суратлар.



Ташаккурнома

Менделеев номи 63-мактаб дирекцияси ва ўқувчилар жамоаси мактабимиз ошхонасида содир этилган ўғирликни ўз вақтида очиқда катта хизмат кўрсатган **Ўрта Чирчиқ тумани ички ишлар бўлими ходимлари — милиция катта участка вакили А. Жакаев, участка вакили А. Каримов ва жиноят-қидирув бўлими нозир Б. Иброҳимовларга** ташаккурнома билдиради. Халқ осойишталиги йўлида жон қийитиб ишлаётган бундай милиция ходимлари шаънига ҳар қанча таҳсинлар айтсак ҳам оз. **Ўрта Чирчиқ тумани ички ишлар бўлими раҳбарияти ўз ходимлари билан фахрлансалар арзийди.**

Х. САИДРАҲМОНОВ,
мактаб директори.

ЯҚИНДА Тошкент вилояти, Бекобод шаҳар ички ишлар бўлими ходимлари томонидан бир қатор оғир жиноятларни содир этишда айбланаётган, бироқ терговдан қочиб ўрган ашаддий жиноятчи қўлга олинди.

Олинган аниқ маълумотларга асосан, милиция ходимларига узоқ вақтдан буён қидириладиган Валерий Мустафоев ҳамда унинг шериги Шавкат Топшўлатовнинг Бекобод шаҳар, Тельман кўчаси, 8-«а» уй, 15-хонадонга яширинганликлари маълум бўлди. Жиноят-қидирув бўлиминининг тезкор вакиллари — милиция катта лейтенанти Т. Тўхтақулов, милиция лейтенанти А. Ражабов ва участка вакили, милиция

Шестернев, Мастерков деб ҳам таништирган. Лақаби «Санёк») ҳақида қисқача маълумот. У 1963 йили Свердловск вилоятида туғилган, миллати қрим-татар, ўрта маълумотли. Уч маротаба судланган. Олмалик шаҳрида содир этган қотиллиги сабабли 1993 йилнинг июнь ойида қидирув эълон қилинган. Бундан ташқари Украина Республикасининг Симферополь шаҳрида бир неча бор қотиллик билан боғлиқ жиноятларни содир этганликда ҳам айбланмоқда.

... Милиция ходимларига ҳеч қачон осон бўлган эмас. Бу сўзлар баланд-парвоз эшитилиши мумкин, аммо ҳақиқат. Ёвузлик йўлидан

ЖАСОРАТ

катта лейтенанти Р. Собировлар юқорида қайд этилган манзилга зудлик билан етиб бордилар. Жиноятчилар уларни болта ва пичоқ билан қарши олинди.

Олишув муросасиз кечди. А. Ражабов қорнидан, Р. Собиров қўлидан қаттиқ яраландилар. Милиция ходимларининг бир неча бор оғоҳлантиришларига қарамай, жиноятчилар ваҳшийларча ҳаракатларини ҳадеганда тўхтатишмади. Ходимлар сўнгги имкониятдан — ўзларига бирқитилган хизмат қуролларидан фойдаланишга мажбур бўлдилар. Жиноятчилар оғир яраланган ҳолда қўлга олинди. Оқибатда Шавкат Топшўлатов касалхонада вафот этди. Валерий Мустафоевга теккан ўқ унинг умуртқа поғонасига шикаст етказганили сабабли икки оёғи ҳам ишламай қолди.

В. Мустафоев (ўзини Александр

кетаётганлардан ҳар нарса қутиш мумкин. Ўз манфаатлари учун улар қотилликка-да қўд ураверадилар. Бундайларга қарши курашиш эса ҳар кимнинг ҳам қўлидан келавермайди. Бунинг учун жасорат керак, матонат керак. Шукрки, милиция ходимларида ана шундай хислатлар бор. Юқорида баён этилган воқеа қаҳрамонлари буни яна бир қарра исбот қилдилар.

Сўнгги сўз: бу дунёда ҳар бир ёвуз ҳаракатнинг охир-оқибатда албатта сўроғи бордир. Энг аввало Қонун олдида. Берилар бу ҳақда яхшилаб ўйлаб кўрсалар, емон бўлмасди.

А. СОДИҚОВ,
ИИБ Матбуот маркази позир,
милиция лейтенанти.

ГИЁҲВАНДЛИК ВА ЖИНОЯТ

Гиёҳвандлик муаммоси сўнгги йилларда кенг жамоатчиликнинг диққатини кўпроқ жалб қилмоқда. Чунки бу оғунинг тобора кўпайиб бориши жиноятчилик ва йўл-транспорт фалокатининг содир бўлишига, бахтсиз ҳодисаларга, шунингдек ўз жонига суиқасд қилиш, болаларнинг онадан майиб-мажруҳ бўлиб тугилиши, рухий касалликларнинг ортиши ва ёшлар умрининг қисқаришига олиб келмоқда. Ўсмирлар, йигит ва қизлар орасида захарли моддаларга ружу қўйиш ҳоллари ортиб бормоқда. Бу эса, албатта, кенг жамоатчиликда катта ташвиш уйғотмоқда.

Гиёҳванд моддаларни, аввалига, шунчаки бир қизиқиш билан истеъмол қилиб, гиёҳвандга айланиб қолаётганлар кам эмас. Гиёҳванд моддага рухий қарам бўлиб қолган одам уни мунтазам истеъмол қилиб туришга мажбур, бу эса жиноятга йўл демакдир. Фирибгарлик, ўғирлик, талончилик, ҳатто одам ўлдиришдан ҳам тоймайди бу тоифа қимсалар.

Шунинг учун ҳам кўкнори,

наша таркибида гиёҳвандлик моддалари бўлган ўсимлик ҳисобланиб, давлатнинг алоҳида назорати остида туради, эркин савдодан олиб қўйилган. Уларни тайёрлаш, сақлаш, ташиш, сотиш, истеъмол қилиш, экиш жиноят ҳисобланади.

Яқинда Оққўргон тумани ички ишлар бўлимининг Шавкат Файзиев, Бекмурод Иномбеков бошчилигидаги тезкор ходимлари бу оғир жиноятнинг олдини олишда бош-қош бўлдилар.

1994 йил январь ойининг 30-куни С. Сегизбоев номи давлат хўжалигининг 4-бўлимида яшаб турувчи Равшан Ишановни уйида фуқаро Қаҳрамон Мирзааҳмедовга 150 минг сўмга наша сотган вақтида қўлга туширилди. Унинг уйи текшириб кўрилганда қопда сақлаб қўйилган наша топилди.

Р. Ишановга нисбатан жиноий иш қўзғатилди. У бу қилмиши учун суд олдида жавоб беради.

А. АБДУЛЛАЕВ,
Вилоят ИИБ тергов
бошқармаси катта
терговчиси, милиция
подполковниги.

Бизнинг суҳбат

Ярим кеча. Марказлаштирилган қўриқлаш пултига (МҚП) қўриқдаги объектдан ташвиш хабари тушди. Тезда қўриқлаш бўлинмаси навбатчиларидан иборат қўлга олиш гуруҳи йўлга отланди...

— Шунинг учун бўлса керак, — дея гап бошлади суҳбатдошим, Наманган вилояти ИИБ ҳузуридаги Қўриқлаш бўлими бошлиғи милиция полковниги А. Азизов, — бизнинг хизмат халқда “тунги милиция” деб ном олган. Бу кундузи қўриқлаш бўлинмалари ходимларининг иши йўқ дегани эмас. Бизнинг хизмат ходимлари 24 соат мобайнида тинчлик нималигини билмайди. Аммо олди олинган жиноятлар таҳлили шуни кўрсатадики, қонунбузарликлар аксарият ҳолда айна тунги вақтда содир этилади. Фуқароларимиз уйкута кетган пайтда хизматимиз ходимларининг сергаклиги сусаймайди. Айтилик кун бўйи меҳнат қилиб, чарчаб келган фуқаро бошига мусибат тушса, у милиция формасидаги ходимга мурожаат қилиб, қайси хизматда ишлашдан қатъи назар ундан ёрдам кутади. Шунинг учун хизматимиз ходимлари ҳар қандай вазиятда милицияга юклатилган вазифани бажаришади.

Ғалимининг исботига мисоллар келтирай.

Яқинда Поп тумани “Наврўз” жамоа хўжалигининг дала майдонида Андижон вилояти Жалолқудуқ тумани К. Маркс жамоа хўжалигига қарашли қўйларни боқаётган чўпон М. Қувватов ИИБга кечаси 18 бош қўй ўғирлангани хусусида хабар берди. Тезкор гуруҳга қўриқлаш бўлинмаси ходими милиция катта лейтенанти С. Шокиров, милиция старшиналари А. Бўриев, К. Ўсаровлар киритилдилар. Милиция ходимларининг олиб борган тинимсиз ишлари яқин орада ўз самарасини берди. Бир сутка ўтмасданоқ Фарғона вилоятининг Богдод туманида яшовчи Қ. С. қўлга олинди, қўйлар эгасига қайтарилди.

Пой тумани Газлаштириш

нафар жиноятчи қўлга олинди. Умуман айтганда, бизга ишонган корхоналар, муассасалар маъмурияти ва фуқароларнинг ишончини оқлаб келмоқдамиз. Шуни айтиш керакки, ўтган йилда қўригимиздаги объектлардан ва фуқароларнинг хонадонларидан

Шербоевлар йўналишдаги нарядларнинг хизматини кўздан кечириб юргандилар. Дон маҳсулотлари комбинати томонидан бир шахс қоп орқалаб кетаётганини кўриб қолдилар. Бу ҳол уларга шубҳали туюлди. Милиционерлар номаълум

бири 20 литрли канистралар сони 8 тага етди. Энди фақат завод худудидан олиб чиқиб кетилса бас. Икковлон Наманган шаҳар ИИБ ҳузуридаги қўриқлаш бўлими соқчилари М. Паттаев, А. Холмирзаев ва цех бошлиғи Н. Миржадиловлар ёнларига келганларини ҳам сезмай қолишди. Бир зум ўзларини йўқотиб қўйишди. Қилмишлари учун қонун олдида жавоб беришга кўрққан дўстлар кучи борица қочиб кетдилар. Қўрилган қоралар туфайли қинғир йўлга ўтган бу йигитлар ушландилар...

Аҳмаджон Турсуновичнинг гапларини эшик тақиллаши бузди. Рухсат сўраб кирган навбатчи ходим аллақандай қоғозларни узатди. Қўриқлаш бўлими бошлиғи ҳарбийларча қисқа аниқ кўрсатмалар берди ва мени маълумотнома билан таништирди. Унда:

“Совет тумани ҚБ милиционерлари милиция катта сержанти И. Турсунов ўзига бириктирилган йўналишда объектларни текшириб юрганди. Қоронгу музолишларнинг бирида номаълум шахсга дуч келиб қолиб, милиция ходимини кўриши билан қочиб кетган, аммо узоққа кета олмаган. Бўёқчи бўлиб ишлаб юрган А. Л.нинг чўнтакларини қурол-яроққа тўла экан. Унинг ёнидан 30 дона автомат ўқи магазини билан ва 6 дона жанговар граната пилтаси топилди” — деб ёзилган эди.

Соатимга қарасам, миллари кечаси иккини кўрсатарди. Суҳбатга қизиқиб кетиб, вақт ўтганини ҳам билмай қолибман.

— Мен ҳозир, — деди милиция полковниги А. Азизов, — бўлимимиз томонидан ўтказилаётган тадбирларда қатнашиш учун кетаман. Биз билан борасизми?

... Наманган шаҳрининг тунги кўчалари. Хонадонларда чироқлар ўчган, меҳнаткаш халқимиз эртанги меҳнат кунини олдида дам олмоқда. Уларнинг туни тинч ўтиши учун осойишталик посбонлари доим хизматдадир.

Суҳбатдош: Элшод МИРЗОАДҲАМ ўғли.



корхонасининг ёрдамчи хўжалиги иссиқхонасидан кечаси номаълум шахслар томонидан умумий нархи 350 минг сўм бўлган лимон меvasини ўғирлаб кетишгани ҳақида хабар келди. Қўрилган тезкор қидирув қоралари натижасида ҳеч қаерда ишламайдиган Қ. Т. қўлга олинди, унинг уйдан ўғирланган мевалар чиқди.

— Аҳмаджон Турсунович, қўриқлаш бўлинмалари муҳофазасидаги объектларда жиноят содир этиш ҳоллари учраб турадими?

— Вилоят бўйича ҳозирги кунда хизматимиз томонидан ярим мингга яқин хўжалик объектларини қўриққа олганмиз. Булар орасида йирик таъминот манбалари, банк муассасалари, иқтисодиёт объектлари, ташкилотлар хазинахоналари, қимматбаҳо заргарлик буюмлари сақланадиган жойлар ва ҳоказолар бор.

Ўтган йили қўригимиздаги халқ хўжалиги объектларидан 8 та ва фуқароларнинг хонадонларида содир этилмоқчи бўлинган битта ўғирликнинг олди олинди. Бунда қўриқланаётган давлат, жамоат ва шахсий мулкка тажовуз қилган 10

ўғирликка йўл қўйилмади.

Мисол келтирай:

Эрталаб соат 6 дан 18 дақиқа ўтганда Наманган шаҳар Совет тумани ҳокимлиги ИИБ ҳузуридаги Қўриқлаш бўлинмасининг МҚПга Шойи газламалар ишлаб чиқариш бирлашмаси ишчилар таъминотига қарашли 5-дўконидан ташвиш хабари тушди. Пулт оператори Г. Болтабоева МҚП қўлга олиш гуруҳига хабар берди. Бир зумда гуруҳ аъзолари милиция лейтенанти Р. Отахонов, милиция катта сержанти А. Эгамбердиев ва милиция кичик сержанти Х. Раҳмоновлар воқеа жойига етиб келишди. Милиционерлар дўкон эшиги ва деразасини синчиклаб кўриб чиқишди. Ичкарида кимдир беркинби олганди. Қўрилган қоралар туфайли ҳеч қаерда ишламайдиган М. И. ушланди. Дўкон ҳовлисидан ўғирликка тушган бу йигит олиб чиқиб кетишга жами 186 минг сўмлик товарларни тайёрлаб қўйган экан.

Совуқ кунларнинг бирида Наманган шаҳар ИИБ ҳузуридаги қўриқлаш бўлими рота командири ўринбосари милиция катта лейтенанти К. Юсупов ва взвод командири милиция капитани А.

шахсининг орқасидан пинҳона кузатдилар. У корхоналарнинг бири ҳовлисига кириб, у ерда турган “Москвич-412” автомашинасига қопни юклади. Шу пайтда ёнига келган милиция ходимларини сезмай қолди. Машина текширилганда 6 қопда олий навли 300 кг. ун борлиги аниқланди. Ҳозирда суриштирув ишлари олиб борилмоқда.

— Ўртоқ полковник, ИИБ ҳузуридаги қўриқлаш хизмати қоровул таркиби ҳам жиноятчиликка қарши курашда ўз ҳиссаларини кўшиб келмоқда экан.

— Дарҳақиқат қоровул таркиби ўз хизматларини сидқидилдан бажариб келмоқда. Ҳозирги кунга қадар улар томонидан қўриқланаётган 400 га яқин халқ хўжалиги объектларидан ўғирликка йўл қўйилмади. Бу эса қоровулларнинг нақадар сергаклик билан хизмат ўташларидан дарак беради.

Соат миллари дақиқа сайин тунга яқинлашиб келаётган эди. Ёр экстратион заводининг ишчиси О. Ё. ўртоғи С. И. билан цехдан ўғирланган тозаланган пахта ёғини яшириб қўйилган жойидан секин-аста ола бошладилар. Ҳар

СУДЪЯ БИЛАН СУҲБАТ

Суҳбатдошим Тошкент шаҳар, Акмал Икромов тумани суди раиси Улуғбек СОДИҚОВ.

— Улуғбек ака, судда ишлайман деб ҳеч орзу қилганмидингиз?

— Албатта, бирданига ҳеч ким суд раиси бўлиб қолмайди. Бу масъулиятли лавозим. Маълум бир билим, лаёқат, ҳаётий тажрибали кишигина суд раиси бўлиши мумкин.

Болалигимда тенгдошларим билан ҳар хил ўйинлар ўйнаб турардик. Шунда мен “прокурор” бўлардим. Дўстларим ҳам мени “прокурор” деб аташарди. Икки одам жанжаллашса, бефарқ ўтиб кетолмасдим, ноҳақликка чидолмасдим. Шуларнинг таъсирими, улғайиб ТошДУнинг ҳуқуқшунослик куллиётига ўқишга киришга қарор қилдим. Тўрт йил имтиҳон топширишга тўғри келди. Барибир кирдим. Шаҳар прокуратура, тергов

бўлимларида ишладим. Мана, тўрт йилдан бери ҳозирги лавозимданман.

— Ўтган йили туманда нечта жиний иш кўриб чиқилди?

— 1993 йилда А. Икромов туман судига тергов бўлинмаларидан 800 дан зиёд ишлар келди. Шулардан 650 тасига суд ўз ҳукмини ўқиди.

— Суд раиси сифатида ҳукмлардан кўнглингиз тўладими?

— Жиноятчи айбдорлар учун жазо қонунда белгиланган. Биз қонунга биноан жазо берамиз. Баъзан ўқиган ҳукмларимиздан кўнглим тўлмайди.

Бизда ҳамма қонунлар ҳам тўлалигича ишлаб чиқилган деб бўлмайди. Айниқса, бу воёга етмаган ёшларга тайинланадиган жазоларда сезилади. Масалан, қотиллик

учун қонунда 81-моддага мувофиқ 5 йилдан 10 йилгача қамоққа ҳукм қилинади, ўғирлик, автотранспорт воситасини олиб қочиш каби жиноятларга эса 10 йилдан 12 йилгача.

Ваҳоланки, кўп ҳолларда қотилликни ҳамма нарсани тушунадиган одам, машина, шахсий мулк ўғирлигини эса кўпинча воёга етмаган — ёш ўсмирлар содир этишади. Ўзингиз ўйлаб кўринг: одам ўлдирган кишига 5-10 йил жазо тайинланса-ю, машина олиб қочганлик, ўғирлик учун 10-12 йилгача жазо тайинланса, шу адолатданми? Демокриманки, мавжуд қонунларимизни яна бир карра қараб чиқиш лозим. Айниқса, воёга етмаганларга нисбатан.

— Жиноятчиликнинг асосий сабаби нимада, деб биласиз?

— Сабаби турлича бўлади. Энг асосийси, назаримда баъзи кишиларда маънавий қашшоқлик. Иймон, эътиқод йўқлиги. Собиқ Иттифоқ тузуми даврида одамлар шу даражага боришдики, ҳеч нарсдан тап тортмайдиган бўлиб қолдилар. Ишонч йўқотилди. Бунга шўро мафкуриси сабаб. Оқибатда ҳар хил жиноятлар кўпайиб кетди. Илгарилари кишиларда ишонч, эътиқод деган нарсалар бор эди. Худодан қўрқишарди, жиноятлар қилишмасди, ҳурмат юқори турар эди...

— Судда жиноятларнинг қайси тури кўпроқ учрайди?

— Ўғирлик, талончилик, машина олиб қочиш...

— Ишларингизда қандай муаммолар бор?

— Муаммолар етарли. Лекин мен битта асосийсини айтиб ўтмоқчиман, бу ҳам бўлса туман судига янги бино ажратиш масаласи. Шу ўтирган хонамиз бир пайтлар ошхона бўлган, ундан нариги хоналар эса... Деворлар ёрилиб кетган, зах. Бу ҳам майли, судга келган гувоҳлар хонанинг кичиклигидан ташқарида иссиқ-совуқда туришга мажбур.

Бундан юқоридегилар — вазирлик, ҳокимият хабардор, албатта. Янги бино қуриб

беришни айтишган. Умид қилаяпмиз.

ИЗОҲ: Суҳбатимизни бежиз юқоридаги савол билан яқунламадик. А. Икромов тумани судида янги бинога ўтиш масаласи асосий муаммо!

Мен А. Икромов тумани суди раиси билан суҳбатлашиш мақсадида борар эканман, суд биносининг бундай нуқудай жойда жойлашганини асло хаёлимга ҳам келтирмаган эдим. Тасаввуримда бутунлай бошқача манзара эди. Кўргандан кейин эса...

Дарҳақиқат, Улуғбек ака тўғри айтдилар. Суд — адолат маскани. Бу ерга одамлар ҳақиқат излаб келадилар. Шундай экан суд биносига алоҳида эътибор қаратиш зарур. Улуғбек ака менга замонавий қилиб тайёрланган туман суди янги биносининг лойиҳасини кўрсатди. Лойиҳага боқар экансан, қани энди барча суд бинolari шундай қурилса, деган фикр хаёлингдан ўтади. Гапларга қараганда, шу йиллар ичида туман суди янги бинога эга бўлиши керак. Мен ҳам шуни истадим.

Туман суди раиси билан тез орада янги бинода учрашайлик, деган ниятда хайрландим.

Зокиржон ШАРИФ, “Постда” муҳбири.

